

中國西南文獻叢書·第一輯

西南稀見方誌文獻

第四十五卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

遵義府志	二
〔清〕黃樂之等修	鄭
珍	莫友芝等纂……………
一	
荔波縣志	〔清〕蘇忠廷修
董成烈纂……………	三八九

【清】

黃樂之等 修
鄭 珍 莫友芝等 纂

遵義府志

《遵義府志四十八卷》，清黃樂之等修，鄭珍、莫友芝等纂。本書據民國二十六年（公元一九三七年）劉千俊重刊本影印，原書成品尺寸爲二十二厘米乘十六厘米，版框尺寸爲十七點五厘米乘十二點五厘米。

遵義府志卷三十三

列傳一

孔子言君子疾沒世而名不稱孟子稱一鄉之善士一國之善士士誠善欲無名得乎遵義於古地當一大國隄胚延孕時發善華雖所就各殊要有不可磨滅為山川張者茲慎考前載嚴覈覓聞荷詳一節類以序次甄其品別即樹風聲焉洪云託竹帛為世寶斯言至矣後生可畏鄉人先酌邴原如在請薄東家若及圈羊則誠不敢

遵義府志

卷三十三 列傳一

舍人

經典釋文敘錄爾雅隄為文學注三卷本

注二云隄為郡文學卒史臣舍人漢武帝時待詔闕中卷隨書經籍志梁有漢隄為文學爾雅三卷亡援前輩言爾雅家皆不詳文學姓名鄉里以釋文本注云隄為郡文學卒史臣舍人考之于郡吏銜下加臣某必其上此注時自題則舍人其姓名也廣韻云舍又姓舍姓別無所見意其所據姓苑諸書必有引注爾雅之文學為證者觀陸氏於注中備錄其銜亦所以備其姓名使人有考其大題不云舍人而云隄為文學者蓋當時此注通如此碑陸雖得其舊本原題

遵義府志

卷三十三 列傳一

二

驟改恐人難即曉故具之注中又諸經疏所引爾雅舊注多直稱舍人曰與孫炎李巡樊光等曰一例愈知舍人為姓名也其鄉里考漢書衡山王傳注如淳曰漢儀注吏四百石以下自除國中又黃霸傳注如淳曰三輔郡得任用他郡人而卒史獨二百石所謂尤異者也後漢百官志每郡皆置諸曹掾史本注諸曹略如公府曹無東西曹劉昭注引漢官云河南尹員吏九百二十七人百石卒史二百五十人文學守助掾六十人又諸卿下注皆有文學百石又大尉公下本注漢初掾史辟皆上言之故有秩比命士其所不言則為百石屬其後皆自辟除故通為百石然則文學卒史皆百石也洪适隄釋巴郡太守張納碑陰有文學主事掾文學主事史文學掾文學史四銜繁長張禪等題名有郡文學師隄續末卷無名碑陰亦有文學史此之文學其為主事史與師未可知其聯稱卒史自是當時史員通稱而其秩之為百石固無疑者當時四百石下自除國中則文學必隄為人可知隄為初治營其即營人或他縣人不可考矣若漢書儒林傳稱公孫宏等議治禮掌故以文學禮義為官遷滯請選擇其秩比百石以下補郡太守

遵義府志 卷三十三 列傳一

卒史皆各二人邊郡一人不足擇文學掌故補郡屬
請著功令此之文學既稱繁健爲其爲郡曹明甚必
非如儒林傳所云者不得因彼致疑至陸云漢武帝
時待詔者文選揚雄甘泉賦序召雄待詔承明之庭
李善注諸以材術見知直於承明待詔即見故曰待
詔漢書朱買臣傳詣闕上書久不報待詔公車東方
朔傳上書自薦令待詔公車枚皋傳上書北闕召人
見待詔賈捐之傳元帝即位上疏言得失詔待詔金
馬門王褒傳宣帝時召高才劉向張子僑華龍柳褒
等待詔金馬門上徵褒至詔褒爲聖主得賢臣頌令

三

與待詔傳會曲說大不然也古人注書結銜之例其
私成者則曰某官某人其上於朝者則云某官臣某
人若以舍人爲官則是某官臣下又云某官何以解
耶盧文昭釋文考證云李善注文選羽獵賦引爾雅
注作郭舍人考漢書東方朔傳武帝初有幸倡郭舍
人常侍左右注爾雅者疑非此人盧疑之是也武帝
建元六年始開健爲文學爲郡吏必在其後至上書
待詔尤必多歷年所其非武帝初幸倡無疑洪頤煊
讀書叢錄云爾雅健爲文學注文選注引作郭舍人
西京雜記郭威字文偉茂陵人好讀書以謂爾雅周
公所制而有張仲孝友張仲宣王時人非周公之制
明矣疑即此人考漢茂陵右扶風縣文學若卽茂陵
郭威則與漢四百石下吏自除國中之制不合又與
陸氏所書臣舍人之銜大謬且注疏家亦決不譏議
本經也此緣選注偶誤致起文昭之疑頤煊又緣誤
注而別求一郭姓者以當之則誤之又誤矣論爾雅
一書郭景純稱爲九流津涉六藝鈐鍵今經歷代注
疏童習白茫尚難竟業其在豹鼠未辨以前益傳授
蔑如矣文學當挾書方除遠能當名辨物首啟渾奧
非天授爲此經大師能如是乎經義考於爾雅舍人

遵義府志 卷三十三 列傳一 四

遵義府志

卷三十三

列傳一

五

注稱爲漢儒釋經之始今觀唐宋諸家所引上下卷遺文其章句如菟奚穎凍中鳩爲一物藟藟爲一物觀梧來合彙觀采薪采薪即薪及昆劉觀擊與纂樂弗離別句皆視孫郭爲確其異文如謂作彙駢作雞猶作狗鷄鷄作兼兼挑作濯皆先秦最古之本其訓釋如蝮一名虺充訓鳥高飛跟蹄訓濁蹄茅者昧之明跳者躍之間多合先漢相傳古義所存雖吉光片羽而前輩多據以證注家之誤蓋其專精之至也當孝武通西南夷初置犍爲縣置牂牁山諸郡其時僚僚狂狂風教昨時文學以郡人膺學史選詣闕上

人物傳首

盛覽 牂牁人西京雜記司馬相如友人盛覽字長通牂牁名士嘗問以作賦相如曰合纂組以成文列錦繡以爲質一經一緯一宮一商此賦之迹也賦家之心包括宇宙總覽人物斯乃得之於內不可得而傳覽乃作合組歌列錦賦而退終身不復敢言

遵義府志

卷三十三

列傳一

六

賦之心矣邵遠平續宏簡錄按漢書司馬相如入西南夷上人盛覽從學歸以授其鄉人文教始開尹珍 華陽國志序志文學荆州刺史尹珍字道真母斂人又南中志明章之世母斂人尹珍字道真以生遐裔未漸庠序乃遠從汝南許叔重授五經又師事應世叔學圖緯通三材選以教授於是南域始有學焉珍以經術選用歷尚書丞郎荆州刺史而世叔爲司隸校尉師生並顯後漢書西南夷傳桓帝時郡人尹珍自以生於荒裔不知禮義乃從汝南許慎應奉受經書圖緯學成還鄉里教授於是南域始有

學焉珍官至荆州刺史

按常志明章當是桓帝之誤考後書奉傳奉曾祖在和帝時爲河南尹已在章帝後奉以桓帝延熹中破武陵蠻功薦爲司隸校尉常氏言珍爲刺史世叔司隸校尉師生並顯可知桓帝時爲是且范書必據常志若本是明章無由作桓帝前後差誤八十餘年也

又按漢毋斂縣地在今貴陽都勻二府間說詳沿革門牂牁十七縣考今正安州北有毋斂縣有尹珍宅故址綏陽縣有唐廣明間尹公講堂碑當時

遵義府志

卷三十三

列傳一

七

道真還鄉教授自非一處而沾勾斂人必較他尤渥唐去漢未遠尚能指其講堂之碣流澤未涇必非附會又降珍之山郡名以錫見御覽所引十道志必皆先時重繫教思因地寄慕使然其壩名母斂宅稱故址事同一科綏陽志入之流寓最是但又以爲珍州樂源人殊失考蓋由前人景重名賢唯恐非我邦所有致以唐人州郡強作漢儒鄉里不知道真開南中之學凡屬牂牁舊縣無地不可稱先師食鄉社而實事求是正無庸因後人之私述易古籍之明文致遷就附會如襄陽昌黎之轆轤不明也今與傅尹二公各按實詳錄雖皆非營產而風化所由決不容昧故仍謹載更考論以貽來者

傅

實

尹貢

華陽國志序志巴郡太守傅實

人士

字紀圖平夷人又南中志云平夷傳實夜郎尹貢亦有名德歷尚書郎長安令巴郡太守彭城相號南州

按通志云實歷尚書郎長安令貢歷巴郡太守彭城相誤蓋因南中志書官聯屬強分以屬二人而未檢序志故也序志於實題巴郡太守是巴守爲

遵義府志

卷三十三

列傳一

八

實官之終則歷尚書郎長安令巴郡太守者皆實貢正爲彭城相無疑也漢平夷縣即今大定府地夜郎縣在今興義府及安順大定之西南境詳沿革門牂牁十七縣考又按貴州通志文學門首列應世叔云牂牁人以經術辟司隸校尉蓋因誤讀常志不知世叔即應奉之字致有此謬不足深辨略附及之

晉

謝

恕 華陽國志序志忠義冠軍將軍寧州刺史

謝

恕字茂理母斂人又後賢志侯馥傳王遜議欲遷

牂牁太守謝恕爲涪陵太守出屯巴郡之把口表馥爲江陽太守住江陽之泚源撫郵蠻僚克復江陵馥招夷僚繕舟艦爲進取計預白遜請軍移恕俱出涪陵又南中志永昌元年晉用南陽尹奉爲寧州刺史南夷校尉威刑緩鈍政治不理咸和八年遂爲李雄弟壽所破獲南中盡爲雄有惟牂牁謝恕不爲壽所用遂保郡獨爲晉實按本書李雄八年奉舉州委至撫夷中郎將寧州刺史冠軍當脫將軍爲晉官壽遣其鎮東大將軍李奕征牂牁太守謝恕保城守者積日不拔會突糧盡引還

遵義府志

卷三十三 列傳一

九

按母斂考見前通志云恕永昌元年爲牂柯太守時尹奉爲李壽所破又云官至忠義冠軍將軍並誤常志書尹奉爲壽所破牂柯謝恕不爲壽用在咸和八年其前書永昌元年謂尹奉刺牂州之年也且侯覽傳言王遜議遷牂柯太守謝恕爲涪陵是孟才既逐遜卽以恕守牂柯既又遷之涪陵皆在永昌前也恕至咸和仍爲牂柯者意恕遷涪陵後牂柯旋爲雷炤董霸等破以降李雄而守牂柯之文猛又爲雄執故仍以恕爲之也至忠義二字乃常志人物品目如文學政事之比其官名止

冠軍將軍通志恕傳亦悉據常志爲之讀未審遂至乖錯

宋

趙高峰 今桐梓人官至長沙太守元祐八年告歸

勅賜所居名青蓮院著有詩集今亡採新

冉從周 明統志郡人舉進士時呼爲破荒冉家歷

官爲珍州守有善狀

楊孟奇 今桐梓人征南平有功授奮勇將軍採新

冉璣 冉璣通志遵義人兄弟俱有文武才

辟召皆不赴余玠撫四川築招賢館禮士往謁之禮

遵義府志

卷三十三 列傳一

十

待甚至宋史余玠傳播州冉氏兄弟璣璣有文武才隱居蠻中前後問帥辟召堅不肯起問玠賢相謂曰是可與語矣遂詣府上謁玠素聞冉氏兄弟刺入卽出見之與分庭抗禮賓館之奉冉安之若素有居數月無所言玠將謝之迺爲設宴玠親主之酒酣坐客方紛紛競言所長璣兄弟飲食而已玠以微言挑之卒默然玠曰是觀我待士之禮何如耳明日更關別館以處之且使人窺其所爲兄弟終日不言惟對踞以壘畫地爲山川城池之形起則漫去如是又旬日請見玠屏人曰某兄弟辱明公禮遇思有以少裨

因山爲壘碁布星分爲諸郡治所屯兵聚糧爲必守計且誅潰將以肅軍令又移金戎於大獲以護蜀口移汚戎於青居興戎先駐合州舊城移守釣魚共備內水移利戎於雲頂以備外水於是如臂使指氣勢聯絡明鄒智跋釣魚城志後予嘗觀天下之大勢矣立國於北者恃黃河之險立國於南者恃長江之險而蜀實江之上游也敵人有蜀則舟師可自蜀浮江而下而長江之險敵人與我共之矣由此言之守江尤在於守蜀也元南侵而必自蜀始豈非有見於此歟冉氏弟兄受知余玠而首畫城釣魚之策王堅張

遵義府志

卷三十三

列傳一

七

珏且戰且守至死不渝豈非有見於此歟向使無釣魚城則無蜀久矣無蜀則無江南久矣宋之宗社豈待巖山而後亡哉嗚呼當茲城之成也宋無西顧之憂元無東下之路使賈似道能用汪立信之策陳宜中能用文天祥之策下游與上游齊奮內郡與外郡併力天下事未可知也天時不齊人事好乖令人有千古不平之憤

全蜀藝文志

元

楊朝文 今桐梓人官雲南大理同知有政聲

新探

明

遵義縣

何敏樹 正德中浪跡山水寄興詩歌飄然有出塵

之致著有滄浪孺子集

志

王沛 自幼與物無忤至老樂善不倦當播酋虐

焰之時保身遠引特以齒德舉作鄉賓

上同

王其質 明正統間有王壽卿者山西陽曲人由雲

南按察遷四川右藩道播州病殂子瑛瑛之播遂家

焉楊氏聘瑛爲師嗣補播州儒學孫世昌爲楊氏總

把官世昌子晟繼之楊氏請於部給冠帶管事是生

材材貌俊偉秀鬚眉人以王梓潼呼之襲冠帶總把

遵義府志

卷三十三

列傳一

三

官性溫才敏能決疑獄時有問事無過王總把之謠楊應龍以江外司屬未盡馴化以材爲提調湄灘五里八排地方總管兼制兩司長官任事八年上下恬協是生其質其質觀應龍之虐屢召用不就遂與七大姓謀許奏應龍凶逆狀先挈族避匿龍里以議覆勘未果後其質兩赴京申奏旨於重慶與應龍對勘兒其斌當會鞠時指髮裂眦手捶應龍而應數其罪狀兩院壯其氣俠之至萬歷戊戌勘議定庚子春楚將陳璘由湄龍路進師其質以湄灘地舊屬提調至軍前獻策璘令率所管目把土兵爲鄉導進三渡

遵義府志

卷三十三

三

關克青蛇寨戰敗楊珠同破海龍聖六月播平敘功
擬授官其質辭曰向者一夫播虐某等陳顛當守九
死一生情非得已今幸天威掃除某獲保首領攜妻
兒還鄉聞聲理荒業死瞑目矣更敢希榮寵乎遂歸
休老適黔蜀爭渭河楊相贖戶地界總制王象乾召
知根播民詢決其質趨某江至夷漢卒兄其賓工詩
晚年肆志林泉日與二三舊舊觴詠自適自號秀峰
布衣卒年七十

其質孫夢麟撰

楊正東 遵義人高應時楊應龍阻兵淫虐正東糾
被害者赴京告緝適應龍賜罪免殺奏已者正東

棄家潛逃僅以身免

通志

黎懷仁 布衣宋昌州刺史得敘後播州改流父朝
邦自四川廣安州來居以詩酒自娛或勸仕辭曰龍
公爲陽秋而伏藏其幽之潛育之發自教子孫家法
秩然懷仁少穎異讀書志古儒者嘗曰在家不可一
日不以禮法率子弟在國不可一日不以忠貞告同
寮在鄉黨不可一日不以正直表愚俗在官不可一
日不守清慎勤三字凡百所爲敬恕而已天啟末水
蘭叛總兵楊通霄駐節遵義遣請不出爲書撫戰守
三策楊從之距所居里許有禹門禪院中多神僧懷

遵義府志

卷三十三

四

仁每問往與話詩文未嘗及宗門一字臨終詩有句
云半學朱元晦其自論甚確弟懷義懷智懷義諸生
性脫略以明末多故溷跡漁樵自號今剩人嘗醉歌
曰功名不值一杯水富貴於我如浮雲臨終彈琴一
曲遂卒懷智官黃岡知縣明亡薙髮爲僧號策冒時
丈雪講法禹門因師之後終於廣佛寺葬內江般若
寺中子民忻愛易於來知德弟子胡生盡得瞿塘之
傳官廣西河池同知明亡隱於家母劉年九十五卒
時民忻已七十歲廬於墓側朝夕號慕者數年人稱
白髮孝子卒後從學者私謚文行先生

諸家譜

牟奇 事親以孝聞明末寇亂銳志請纓從經略

楊嗣昌著軍功累官驃騎將軍後閣部王應熊調奇
提師江漢駐守夜郎所在禁剽略招離散賑饑寒全
活甚眾夜郎人德之知國步日艱退居鄉里棠蔭代

忠臣殉節錄

鄧旭 歲貢幼負奇才年十二游泮英姿穎發值
寇僭竊隱居山林屢徵不就矩步前賢誘掖後進

通志

程生雲 崇禎時以拔貢授貴州銅仁令循良聲著
歷陞監軍副使世亂解組歸隱居深山屢徵不起賤

恤饑寒教育孤幼孝友之聲風於閭里安

志子崇字

述不衰年八十而終著有求志軒集行世

德河中四川解元有紫霞山莊集生雲抱負瑰璋風

節稜然居城北十餘里輜光兵燹叢集艱危敦行不

怠力成全璧時以詩古文名書法深入北海殘編剩

紙惜皆零盡今惟書大覺寺佛堂楹榜尚存

生瑞貢生早卒

曾宗孔字心一紀事先本豫章人年十二為諸生

讀論語至古之學者為已豁然曰格致誠正已事也

修齊治平因之入所以不能者只為耳目口鼻四肢

自利自私耳若以此任之造化而我不有獨主一誠

以立於天地間息息敏息息一便息息誠而明使息

息得孔顏樂處豈不快哉功夫以致良知為主謂人

心本自靈明真須克去已私復其本體無纖毫障礙

自然誠誠即是一故以心一為字經史性理百家諸

書靡不探索精研性純孝每父母忌辰必素服危坐

揮淚終日自喪祖母後即不復赴科舉崇禎時次當

貢太守屢白之不應族間故曰科舉典試者主之猶

近古微辟遺意賁則隣於自薦矣斯何時而期得祿

自養乎志終身以道學持躬郡人名為夫子一子庠

生孫四一舉人一副榜一歲貢

志事

李正華字樞實崇禎間拔貢授南江縣訓導攝縣

政二載賢聲四播即為真擢貴州都司司理年餘告

歸居永安里之蕩遊臺教子謀孫城市絕跡喜著練

衣號白衣道人嗜陶詩善飲壽八十卒其自書絕筆

云數十年來清潔士依稀學得晉陶公秋月寒潭無

色相飄然委化返虛空子一官雲南州判

志云桐梓人負奇抱異學問淹博

周世祿志萬曆丙午科武舉官至總兵陳劉綎揭子

言調兵出關應援有云如漢官周世祿現任守備管

黎雅遊擊事係職舊役曾任遼陽大凌河備禦亦知

敵情況職建南班師時曾以精兵黑老虎阿眷等三

百付彼可調來應用再令隨帶蠻裝軍兵數百及泥

頭一帶東元等歸順夷兵挑選三五百並帶其部下

兵壯或一二千或三千四百務要精選命大河指

揮李日明同押星夜前來職迴環心計此一校兵尤

堪克敵非漫言也但其人惡動喜靜兼世祿原係播

人恐懷土重遷乞命彼省撫按嚴責速赴毋得干計

推托遂高志山萬曆四十六年碑題街有分守黎雅

遊擊周世祿又崇禎四年碑亦有世祿名題云領兵

遵義府志

卷三十三

列傳一

三

遵義府志

卷三十三

列傳一

太

援遼遊擊將軍子正參將亦見是碑

袁見龍

萬歷己酉科武舉

劉繼揚子言調兵出

關應援有云有加街守備袁見龍係余溪

同音沙地方

人今入威遠衛轄可隨帶本部下漢夷殺手親兵自

備衣甲戰馬或一千或一千五百此一百年方精壯

膂力過人屢科武舉計議熟諳可當一面必不可遺

陳起鸞潮孫官都司崇禎元年奉調督兵柏楊營

遵義道盧安世以屢抗賊鋒授守備明季貴州按察

使防河道胡以烏江失守賊戮黔民令同本里守備

徐登甲招集義勇護道勦賊弟起鳳官總戎起鳴官

遵義府志

卷三十三

列傳一

七

遊擊家

黎維祚

陳啟相撰憑胆遺事嗚呼終日不見一好

人不聞一好話空過一生殊為恨事詎知好人好語

自不無適不我值耳今年九月望日元坐無聊有客

見顧登樓語次忽及滇事始末愕然有問旋出而觀

所謂憑胆公案因相抱哭切齒吳逆恨不得寸磔之

天道恢恢豈不大哉迄於今逆賊以反覆之故伏誅

散骨先帝之目庶幾瞑乎悲夫客姓黎氏名維祚字

名遠江津人幼不肖竟學雜技卜算形家等是航

遭亂轉徙家遵義己亥禽鴉符細時諸爵鎮將各擁

眾拒守維祚憤號泣遍走告以大義皆忻幸各密

具稟奏付達維祚乃合若干木竅木格三尺許藏

其中荷荷篠鎗等物挾術以行時庚子正月廿二日

也予時寓維祚足維祚訪道其行故心壯而難之一

宿去自是無從問下落矣至辛丑九月十八日抵孟

民府謁晉藩李定國述其艱苦及諸勛志晉藩色動

維祚就破格出諸奏相示晉藩大義之十月六日給

以令諭一道中云今皇上入緬勢已危急若能走通

聲息懋建奇功決不負昔當即為若轉奏時駕在阿

瓦城城左右夾河洪波浩渺相拒五六日程祇聲息

遵義府志

卷三十三

列傳一

六

通主臣不得見隨奉勅云皇帝密勅憑胆將軍黎維

祚據晉藩奏爾忠肝貫日義胆渾身穿虎豹趨長極

烈風勁草殊軫朕懷茲授爾憑胆將軍督理滇黔楚

蜀遍屬諸勛將士山林隱逸等謹慎固防枕戈以俟

候晉鞏兩藩舉師四路策應旦夕是圖勿遲勿忽十

月十五日拜受訖並收空旨百道印三顆遺複底小

舟密藏之木刊諸神像擊小鉦鑼有唱以行晉藩大

喜以旌甲擁至通界始改裝返報諸營冬十一月復

入緬復命比至騰越而緬夷已送駕出矣時益孟民

夷謀亂事洩晉藩怒屠之量不可居乃馳約鞏藩白

遵義府志

卷三十三

列傳一

五

文選共攻阿瓦木城七重已破其三吳曰汝不
過欲見乃皇帝耳幾年和好一朝背棄何益姑止攻
三日當送出否則我亦有變計一任汝為不得已從
之閱二日右河船密如木葉內外夾攻兩藩覆沒幾
盡自是兩藩分散晉徙他夷所置謀恢復據騰越馬
寶與蠻素善詣白營遙呼曰我隻身來說好話者諸
軍勿動遂入相見告以密謀言吳願與白合白遂受
所給有艾將軍者滿洲人亦懼躍附從相與鑽刀軌
血會上由別道亦為緬夷送出居草殿三間白兵環
其外吳兵又環之維祚至艾導入見上見維祚大哭
維祚泣曰事今至此臣惟疾奔告諸營整兵於要道
接駕上曰兒子爾可致意十王家等若能救我出我
只願修行去喫咽不能言手剪御衣一片密寫勅付
即行晝夜兼程抵荆侯營謀共於偏橋劫駕復入滇
偵探歸已崩於壬寅三月矣維祚呼天搶地恨不即
刺刀吳逆之胸狎狂遜去不知所終贊曰匹夫慕義
無窮迺其名卒湮沒不克見稱於世者可勝道哉覽
維祚事其信矣乎維祚自已亥迄壬寅四年間身無
一日得見家足無一日不在路前後三度歷絕域無
人之境其生死顧足道耶志雖不克竟亦足悲矣

遵義府志

卷三十三

列傳一

十

楊朝相 號岐山原蜀內江縣籍其先避亂入播因
家焉明庚申值水蘭之變養高林壑子三季布裴朋
亡西川為流寇僭陷而播受害尤毒鋒鏑之害困苦
供億朝相日夕訓子不少休養十三補弟子員有聲
諸生間越二年朝相卒驟薨朝相苦志詩書賑饑
寒瘞無主僕婢子女咸婚嫁之庭有義方邵人嘉羨
志附
鄒宗孟 字直方明亡方五歲讀書穎悟有大志順
治十五年間偽永歷授知河西縣永歷亡隱於遵
義南五十里南面水晚號浪霞老人其題已真云斯
圖也遠觀近視之非人也恐心則否及丙省之不否
也而竊欲求乎人人於否不否之間微乎危乎可不
慎乎因為之贊有不為喜無則可樂於意云何畏惹
摸索浮雲蔽空日月難卻面皮塗甚麼指視無從像
有甚落心以之反招有覲之忤落魄乃說云相本
無相有相非相非相是相大不相相我有衣相焉用
彼相時年八十二矣可以想其志趣
正安州
鄭紹業 貢州土官嗣子賦性雅淳諸昆弟爭護象
相戲業角巾私第倘佯淮水之上以書畫鳴琴自娛

遵義府志

卷三十三

列傳

世

揮崇禎間勤王至萬里籌拒賊力戰死桐梓志通明志略同

史本傳良柱字朝石永寧衛人天啟初累官四川副

總兵討奢崇明父子復遵義城又與參議趙邦清招

降奢黨安鑾六年五月代李維新為四川總兵官

鎮永寧時崇明敗奔水西與安邦彥合貴州兵數討

不克崇禎二年總督朱燮元遣貴州總兵許成名復

赤水衛崇明邦彥以十萬餘眾來爭成名還永寧賊

追之銳甚良柱偕監軍副使劉可訓出戰小卻成名

等來援賊乃據五峰山桃紅壩越數日良柱乘賊不

備與副將鄧珣等侵早霧迫之賊大潰成名聞山上

掘斷所居谷口路僅一線不通車馬足跡不履城

鄭規真州長官司僕嘉靖間賊困土司規語其

主珪曰主尚乏嗣若罹於賊鋒如世系何願以身代

遂誓珪衣冠誑賊賊殺之珪得間道逃免並陳志

桐梓縣

令孤遠天性雅淡不慕榮利惟以行義教化族里

獎善斥惡不稍假洪武間貴州督撫聞其賢欲薦以

官不受布衣考終年彌高而德彌劭云賈志

侯良柱桐梓人天啟四年以千總援遼有功授參

將後以平奢功由副總兵歷左都督世廕錦衣衛指

遵義府志

卷三十三

列傳

世

至與相計奏解職候勘久之御史劉宗祥列上功狀

七年八月始錄前功進良柱左都督世廕錦衣指揮

僉事成名等亦優敘未幾復為四川總兵官八年夏

總督洪承疇大舉討賊令良柱扼賊入川路戰鳳縣

三江口斬首三百七十有奇明年冬賊犯漢中瑞王

遣使乞師良柱督兵援與他將同卻賊十年四月川

中地震者七地鳴者一占主兵賊果入犯陷南江通

江帝切責良柱及巡撫王維章時良柱駐廣元盡召

諸地兵九千有奇分防扼險止餘二千人賊知其勢

弱五月復寇川北維章告急於朝會賊轉掠他所良

呼噪聲亦出賊奔鵝項嶺徑長而狹人馬不能容良

柱珣軍至賊復大敗死者數萬人崇明邦彥與邦彥

黨僞都督莫德並授首俘其黨楊作等數千人積年

巨寇平時稱西南奇捷四川巡撫張論上其功不及

黔將成名等怒言邦彥德乃已部將趙國璽所斬且

崇明猶未死燮元信之奏於朝兵部不能決費久不

行御史孫徵蘭言訊俘囚阿癡楊作等咸云邦彥即

時授首灼然非黔兵力帝即命獻俘告廟傳首九邊

川中撫按及御史毛羽健皆訟良柱可訓功詆燮元

燮元疏辯且求去賞遂格不行良柱怨燮元不為用

賜良柱諡忠烈

柱乃撤還守隘兵專守廣元維章以爲非計上章言之十月李自成過天星混天星等陷寧羌分三路入寇良柱急拒戰於綿州眾寡不敵陣亡賊直逼成都維章方守保寧反在外連失三十餘州縣帝大怒命逮二人下詔獄猶未知良柱死獄成維章遣戍追奪良柱官十三年良柱子指揮天錫伏闕言臣與賊不共戴天願捐貲繕甲選募勁旅及臣父舊將自當一隊與賊血戰下雪父恥上報國恩帝深嘉之命授遊擊赴嗣昌軍立功已嗣昌言天錫所將親丁二百六十人及召募精卒五六百人皆剽悍敢戰帝益嘉之

再贈一秩殉節諸臣錄云乾隆四十一年

按良柱史云永寧人桐梓志云桐梓人當由永寧徙居桐梓官籍書原處也今桐梓尚有其故宅衣冠存焉陳志及四川貴州兩通志總兵題名又皆云遵義人舉府而略縣也桐梓志及貴州通志名宦良柱作梁柱乃志誤高巖山碑有良柱題名與史合今改從史

傳爾才 崇禎歲貢官湖廣會同知縣多惠政邑人號曰慈母爲立去思碑

張其綱 崇禎丙子拔貢授貴州印江知縣尋以世亂棄官歸教授鄉里言動必以禮法年八十三一日沐浴衣冠而坐書曰神昏繼書曰神散卒書曰神去

傅爾訥 崇禎歲貢官貴州鎮遠知縣尋歸授徒年七十三爲自贊曰明有逸民名曰爾訥雖仕舞溪彭澤不足歸休乎家詩書自淑付與兒曹怡然以沒書畢閣筆遂逝著有春秋講義

金玉振 選貢才震一郡重厚少言不輕取與因亂不仕訓子孫以孝義誨生徒以端方著戒後集人舉法之

黃以素 選貢於人少所許可下帷不仕惜奪其年

藍鳳 由蔭生從四川巡撫徐元泰總兵李應祥

征松番有功補守備嗣征建昌邛州前後克七十六寨擒巨賊三十九人俘斬萬七千餘級陞漢中都司

川北營遊擊調珍州營遊擊萬曆二十八年從李化龍討平楊氏授遵義協鎮總兵官卒諡襄武

李天植 萬曆恩貢中副榜由校官陞貴州新貴知縣平越同知官至新鎮道有青天之目黔人祠祀之